

温  
热  
经  
纬





溫熱經緯卷第五

海甯王士雄孟英纂

定州楊照黎素園評

烏程汪曰楨謝城閱

錢塘任源殿華參

方論

甘草湯

甘草二兩

水三升煮取一升半去滓溫服七合日二服

王晉三曰一藥治病是曰奇方

徐洄溪曰大甘爲土之正味能制腎水越上之火

王樸莊曰自靈素至漢晉宋齊諸古方凡云一兩者以今之

七分六釐準之凡云一升者以今之六勺七秋準之

雄按鞠通凡引

古方輒改定其分兩而輕重殊未當也學者審之

雄按傷寒類要治傷寒心悸脉結代聖濟總錄治舌腫塞口

外科精要治一切瘡疽諸發及丹石烟火藥發兵部手集治

懸癧直指方治痘瘡煩渴及蠱毒藥毒金匱玉函治小兒撮

口及小兒羸瘦得效方治小兒遺溺皆以一味甘草爲方妙



用雖多總不外乎養陰緩急清熱化毒也

杏師湯

桔梗兩 廿二兩

水三升煮取一升去滓分溫再服

鄒潤安曰腎家熱有燥同燥。送相爭疏。二三日

邪熱未盛故可以甘以。氣不

宣泄也以桔梗之。宣泄

雄按雖以桔梗之。大改稱甘

湯是矣但須審證而設不用黃。黃錦芳

醫案求真嘗論及之醫者不可不知

### 豬膚湯三

豬膚

一斤雄按以豬皮去其肉肥刮如紙  
杭人能造名曰肉鮮可以充饌

水一斗煮取五升去滓加白蜜一升白粉五合即是米粉熬香和

令相得溫分六服

王晉三曰腎應氣而肺主膚腎液下泄不能上蒸于肺致絡燥而為咽痛者又非甘草所能治矣當以豬膚潤肺腎之燥解虛煩之熱白粉白蜜緩中俾豬膚比類而致津液從腎上入肺中循喉嚨復從肺出絡心注胸中而上中下燥邪解矣



黃連阿膠湯四

黃連

四兩

黃芩

兩一

芍藥

兩二

阿膠

兩三

雞子黃

兩二

枚

水五升先煮三物取二升去滓內膠烺盡小冷內雞子黃攪令相得溫服七合日三服

鄒潤安曰。尤氏云。陽經之寒變爲熱則歸於氣。陰經之寒變爲熱則歸於血。陽經或有歸於血者。惟陰經之熱則必不歸於氣。故三陰有熱結證不用調胃承氣。小承氣而獨用大承氣。諸下利證不已。必便膿血。是其驗也。心中煩不得臥。熱證也。至二三日以上。乃心中煩不得臥。則非始卽屬熱矣。始卽

屬熱心中煩不得卧者為陰虛。陰虛則不得瀉火。今至二三日以上始見則為陽盛。陽盛則宜瀉火。然致此陽盛亦必其陰本虛。故阿膠芍藥雞子黃無非救陰之品。瀉火則惟恃芩連而芩止一兩。連乃四兩。此黃連之任。獨冠一方而為補劑中瀉藥矣。

猪苓湯五

猪苓 茯苓

澤瀉 滑石 阿膠各一兩

水四升先煮四味取二升去滓內阿膠烱消溫服七合日一

猪苓湯五  
猪苓 茯苓 澤瀉 滑石 阿膠 各一兩  
水四升先煮四味取二升去滓內阿膠烱消溫服七合日一



熱之力也。故用猪苓之淡滲與澤瀉之鹹寒與五苓不異而此易木以膠者彼屬氣此屬血也。易桂以滑石者彼有表而此爲消熱也。然則所蓄之水去則熱消矣。潤液之味投則渴除矣。

鄒潤安曰：松之概挺拔勁，正楓之概柔弱易搖。松之理麤疎，樞之理堅細。松之葉至冬益蒼翠而不凋，楓之葉至冬遂鮮赤而卽落。是其一柔一剛顯然殊致。茯苓屬陽，治停蓄之水不從陽化者。猪苓屬陰，治鼓盪之水不從陰化者。是故仲景以猪苓名方者，其所治之證曰少陰病下利欬而渴嘔，心煩。

不得眠者猪苓湯主之。若五苓散則其治有渴者有不渴者。至茯苓入他方所治之病則不渴者居多。蓋渴者水氣被陽逼迫欲得陰和而不能也。與之猪苓使起陰氣以和陽化水。譬之楓葉已丹遂能即落也。

### 大承氣湯

厚朴

去皮炙  
一兩

枳實

炙五  
兩

大黃

四兩  
酒洗

芒硝

三  
合

水一斗先煮二物取五升去滓內大黃煮取二升去滓內硝更上微火一二沸溫再服得下餘勿服。

鄒潤安曰。柯氏云。厚朴倍大黃爲大承氣。大黃倍厚朴爲小



承氣是承氣者在枳朴應不在大黃矣。但調胃承氣湯不出  
枳朴亦名承氣何也。且三承氣湯中。有用枳朴者。有不用  
朴者。有用芒硝者。有不用芒硝者。有用甘草者。有不用甘  
者。惟大黃則無不用。是承氣之名固當屬之大黃。況厚朴三  
物湯。卽小承氣湯。厚朴分數且倍於大黃。而命名反不加承  
氣字。猶不可見承氣不在枳朴乎。自金元人以順釋承而大  
黃之功不顯。考本經首推大黃通血。再以六微旨大論。亢則  
害承。乃制之義。參之。則承氣者非血而何。夫氣者血之帥。故  
血隨氣行。亦隨氣滯。氣滯血不隨之滯者。是氣之不足。非氣

之有餘。惟氣滯併波及於血。於是氣以血爲窟宅。血以氣爲  
禦侮。遂連衡宿食。蒸逼津液。悉化爲火。此時惟大黃能直擣  
其巢。傾其窟穴。氣之結於血者散。則枳朴遂能效其通氣之  
職。此大黃所以爲承氣也。雄按此余夙論如此。鄒氏先得我心。

### 白虎湯七

石膏

一斤

知母

六兩

甘草

炙二兩

粳米

六合

水一斗。煮米熟湯成。去滓。溫服一升。日三服。

方中行曰。白虎者。西方之金神。司秋之陰。獸虎。嘯谷風。冷涼  
風。酷暑清神於解熱。莫如白虎。石膏知母辛甘而寒。辛者金



之味寒者金之性。辛甘體寒得白虎之體焉。甘草粳米甘平而溫。甘取其緩。溫取其和。緩而且和得伏虎之用焉。飲四物之成湯。來白虎之嗥嘯。陽氣者以天地之疾風名也。風行而虎嘯者。同氣相求也。虎嘯而風生者。同聲相應也。風生而熱解者。物理必至也。抑嘗以此合大小青龍真武而論之。四物者四方之通神也。而以命名。蓋謂化裁四時神妙萬世名。兩符實自然而然者也。方而若此。可謂至矣。然不明言其神而神卒莫之掩者。君子慎德。此其道之所以大也。

白虎加人參湯八

原方加人參三兩煮服同前法

鄒潤安曰傷寒脉浮發熱無汗其表不解者不可與白虎湯。渴欲飲水無表證者白虎加人參湯主之。可見白虎加人參湯之治重在渴也。其時時惡風則非常惡風矣。背微惡寒則非遍身惡寒矣。常常惡風遍身惡寒者謂之表證。時時惡風背微惡寒者表邪已經化熱。特尙未盡耳。謂之無表證也。然熱邪充斥津液消亡用栝萸根生津止渴可也。何以用人參靈樞決氣篇腠理發泄汗出溼溼是謂津津爲水屬也能外達上通則陽矣。夫是之謂陰中之陽。人參亦

之陽惟其入陰故能補陰惟其為陰中之陽故能入陰使人  
陰中之氣化為津不化為火是非枯婁根可為力矣  
雄按朱奉議云再三汗下熱不退者以此湯加蒼朮一錢如  
神

黃芩湯九

芩三兩甘草炙芍藥各二兩大棗十二枚

水一斗煮取三升去渣溫服一升日再夜一服

鄒潤安曰或問黃芩湯治何等證其證腹痛與否若腹痛何  
以用黃芩若腹不痛何以用芍藥曰其證身熱不惡風亦不



惡熱或下利。或嘔。腹則不痛。蓋芍藥甘草大棗桂枝湯裏藥也。以不惡風。故不用薑桂。黃芩甘草大棗小柴胡裏藥也。以不往來寒熱。故不用柴胡。以其常熱。故不用人參。若不嘔。則併不用半夏。生薑至芍藥。則並不因腹痛而用。以桂枝湯證原無腹痛也。亦不心下痞鞭。故不去大棗也。又厥陰篇云。傷寒脈遲。與黃芩湯。除其熱。腹中則冷。不能食。可知黃芩湯證之脈。必數。黃芩所治之熱。必自裏達外。不治。但在表分之熱矣。然仲景用黃芩有三耦焉。氣分熱結者。與柴胡爲耦。血分熱結者。與芍藥爲耦。溼熱阻中者。與黃連爲耦。以柴胡能開

氣分之結不能洩。氣分之熱芍藥能開。血分之結不能清。迫血之熱黃連能治。溼生之熱不能治。熱生之溼譬之解鬥。但去其鬥者未平其致鬥之怒。鬥終未已也。故黃芩協柴胡能清氣分之熱。芍藥能洩迫血之熱。協黃連能解熱生之溼也。

汪按前方人解不過望文生義。必如鄒氏諸條始覺有味可咀矣。

黃芩加半夏生薑湯十

原方加半夏半升生薑三兩煮服法同前

鄒潤安曰嘔而脈數口渴者爲火氣犯胃不宜加此

雄按章杏雲云生薑性熱僅能治寒不可泛施於諸感也

梔子豉湯十一

梔子

十四枚

香豉

四合綿裹

水四升先煮梔子得二升半內豉煮取升半去滓分爲二服

溫進一服得吐止後服

徐洄溪曰此劑分兩最小凡治上焦之藥皆然按此湯加減

七方既不注定何經亦不專治何誤總由汗吐下之後正氣

已虛尙有痰涎滯氣凝結上焦非汗下之所能除

雄按溫暑濕熱之證



每有痰涎滯氣凝結上焦不必在下後也既非汗下可除尤忌妄投補劑經所云在上者因而越之則不動經氣而正不重傷此為最便乃不易之法也古方梔子皆生用故入口即吐後人作湯以梔子炒黑不復作吐全失用梔子之意然服之於虛煩證亦有驗想其清肺除煩之性故在也

一物瓜蒂湯 十二

瓜蒂 二七  
個 剉

水一升煮取五合去滓頓服

尤在涇曰暑之中人也陰虛而多火者暑即寓於火之中為

汗出而煩渴宜白虎加人參以清熱生陰陽虛而多濕者暑  
即伏於濕之內為身熱而疼重故暑病恒以濕為病而治濕  
即所以治暑瓜蒂苦寒能吐能下去身面四肢水氣水去而  
暑無所依將不治而自解矣此治中暑兼濕者之法也

炙甘草湯

一名復脈湯

甘草

四兩

生地黄

一斤

麥冬

各半

麻仁

一斤

桂枝

各三兩

生薑

各三兩

人參

各二兩

阿膠

各二兩

大棗

三十枚方中

行曰地黃

清酒七升水八升先煮八味取三升去滓內膠烱消盡溫服

一升日三服

沈亮宸曰。此湯爲千古養陰之祖方也。

鄒潤安曰。地黃分數獨甲於炙甘草湯者。蓋地黃之用在其脂液能榮養筋骸經脈。乾者枯者皆能使之潤澤也。功能復脈。故又名復脈湯。脈者原於腎而主於心。心血枯槁則脈道泣澀。此傷寒論所以脈結代與心動悸並稱。金匱要畧又以脈結悸與汗出而悶並述。至肺痿之心中溫溫液液涎唾多則陰皆將盡之孤注。陽僅膏覆之殘焰。惟此湯可增其殼內絡外之脂液也。



瓜蒂

熬黃

赤小豆

各一分

各別搗篩爲散已合治之取一錢七以香豉一合用熱湯七合煮作稀糜去滓取汁和散溫頓服之不吐者少少加得快吐爲止諸亡血虛家不可與之

盧子繇曰瓜象實在鬚蔓間也蒂瓜之綴蔓處也性徧蔓延末繁於本故少延輒腐爾雅云其紹飀疏云繼本曰紹形小曰飀故近本之瓜常小近末之瓜轉大也凡實之吮抽津液惟瓜稱最而吮抽津液之樞惟蒂是以瓜蒂具徹下炎上之用乃蒂味苦而瓜本甘以見中樞之所以別於上下內外誠

涌泄之宣劑通劑也

麻黃連軹赤小豆湯 十五

麻黃 連軹 甘草 炙 生薑 各二兩 赤小豆 生梓白皮 各一升 杏

仁 四十 大棗 十二

個 枚

潦水一斗先煮麻黃再沸去上沫內諸藥煮取三升分溫三服半日服盡

鄒潤安曰本經臚列連翹之功以寒熱起以熱結終此條痰熱在裏句適與連翹功用不異郭景純爾雅注一名連苕若軹聲同字異耳而今本傷寒論注曰連軹卽連翹根遂以本

經有名未用翹根當之陶隱居云方藥不用人無識者故唐本草去之豈仲景書有此六朝人皆不及見至王海藏忽見之耶噫亦必無之事矣

梔子槩皮湯十六

梔子

黃槩

甘草

兩

水四升煮取升半去滓分溫再服

鄒潤女曰梔子大黃湯茵陳蒿湯大黃消石湯梔子槩皮湯證其標皆見於陽明陽明者有在經在腑之分發熱汗出懊惱皆經證也腹滿小便不利皆腑證也梔子大黃湯證經多

而腑少茵陳蒿湯證有腑而無經。梔子梔皮湯證有經而無腑。大黃消石湯證經少而腑多。

雄按金鑑云此方之甘草當是茵陳蒿必傳寫之譌也。

茵陳蒿湯 十七

茵陳蒿 六兩 梔子 十四枚 大黃 二兩

水一斗先煮茵陳減六升內二味煮取三升去滓分溫三服

小便當利溺如皂角汁狀色正赤一宿腹減病從小便去也

徐洄溪曰先煮茵陳則大黃從小便出此秘法也

鄒潤安曰新感之邪為素有之熱結成黃疸此證已所謂因



陳矣。故傷寒金匱二書。幾若無疸。不因陳者。然梔子檨皮湯。證有外熱而無裏熱。麻黃連軹赤小豆湯。證有裏熱而無外熱。小建中湯。證小便自利。小柴胡湯。證腹痛而嘔。小半夏湯。證小便色不變而噦。桂枝加黃耆湯。證脈浮。梔子大黃湯。證心中懊憹。消石礬石散。證額上黑。日晡發熱。則內外有熱。但頭汗出。齊頸而還。腹滿。小便不利。口渴。爲茵陳蒿湯證矣。第腹痛之治。在大黃內熱之治。在梔子。惟外復有熱。但頭汗出。小便不利。始爲茵陳的治。其所以能治此者。以其新葉因陳幹而生。清芬可以解鬱。熱苦寒可以泄停溼也。蓋陳幹本能

降熱利水。復加以葉之如絲如絲挺然於暑溼蒸逼之時。先  
草木而生。後草木而彫。不必能發散而清芳揚溢。氣暢不斂。  
則新感者遂不得不解。自是汗出不止於頭矣。故曰發熱汗  
出。此爲熱越不能發黃也。

抵當湯 十八

水蛭

熬 蠱蟲

去翅足熬

桃仁

去皮尖各三十箇

大黃

三兩酒浸

右爲末以水五升煮取三升去滓溫服一升不下再服

徐洄溪曰。凡人身瘀血方阻。尙有生氣者。易治。阻之久。則無  
生氣而難治。蓋血既離經。與正氣全不相屬。投以輕藥。則拒

而不納藥過峻又能傷未敗之血故治之極難水蛭最喜食  
人之血而性又遲緩善入遲則生血不傷善入則堅積易破  
借其力以攻積久之滯自有利而無害也研按王肯堂云入  
漏蜂窠皆制蛭毒  
章虛谷曰經言陽絡傷則血外溢陰絡傷則血內溢外溢則  
吐衄內溢則便血蓋陰陽手足十二經交接皆由絡貫通接  
連細絡分布周身而血隨氣行必由經絡流注表裏循環是  
故絡傷則血不能循行隨陰陽之部而溢出其傷處卽瘀阻  
阻久而蓄積無陽氣以化之乃成死血矣故仲景用飛走蟲  
藥引桃仁專攻絡結之血大黃本入血分再用酒浸使其氣

浮隨蟲藥循行表裏以導死血歸腸腑而出豈非爲至妙之

當之法哉由是類推失血諸證要必以化瘀調經絡爲主

余每見有初治卽用呆補之法使瘀結絡閉不能開通終而

於死良可慨也雄按王清任論虛勞亦主瘀血蓋本大黃虜虫丸之義而言也

文蛤散 十九

文蛤 五兩

爲散以沸湯和一錢七服湯用五合

文蛤湯 二十

文蛤 石膏 各五兩  
麻黃 甘草 生薑 各三兩  
杏仁 五十粒  
大棗 二十



枚

水六升煮取二升溫服一升汗出即愈

鄒潤安曰文蛤即海蛤之有文理者吳人謂之花蛤

雄按王晉三月

若黯色無紋者服之令人狂走赴水

夏小正季秋之月雀入於海爲蛤安氏云

雀羽蟲也羽蟲屬火火炎上故鳥上飛曷爲入海而爲蛤

九月火伏於戌十月純陰金水之令故羽蟲感之而化也蛤

屬水水性下故下潛秋冬水勝火雀爲蛤象火之伏於水也

又離爲火爲雉爲蛙雀雉之類蛤蛙之類外剛內柔皆離之

變化也因而思傷寒論反以冷水澀灌之證非火厄於水而

何金匱要畧吐後渴欲得水之條非火之溺於水而何惟其  
火在水中而病故以火入水中而生者治之然厄於水者惡  
水惡水則火與水未相浹也故直以是使水中之火仍暢茂  
得生而可已溺於水者喜水喜水則火與水漸相浹矣故  
合麻杏甘膏加薑棗以清發之乃能已也

五苓散二一

澤瀉

一兩六銖

猪苓

茯苓

白朮

各十八銖

方中行曰朮上不當

有白字雄按二十四銖爲一兩

每銖重四分二釐弱六銖爲鎰即桂五  
二錢五分十八銖即七錢五分也

爲末以白飲和服方寸七日三多服煖水汗出愈

沈果之曰。中風發熱六七日不解而煩。有表裏證。渴欲飲水。水入則吐者。名曰水逆。五苓散主之。蓋表證爲太陽不足。故用桂以宣陽氣。通津液於周身。卽內經水精四布。五經並行之旨。非用之以通水道下出也。裏證爲三焦之氣化不宣。故用瀉木二苓以通三焦之閉塞。非開膀胱之溺竅也。夫下之之氣化不宣。則腹膨而小便不利。水蓄膀胱。是爲胞痺。此水蓄於膀胱之外。不能化入膀胱。故用五苓以化之。至小便不利。汗出而渴者。亦主以是方。而不渴者。茯苓甘草湯主之。蓋渴爲陽氣不足。水不上升也。不升則不得降。故用桂。

之二苓澤瀉以降之而用朮以爲中樞乃注者莫不以  
熱入膀胱津液被劫所致如果熱入而復用桂朮以溫液  
津又加苓澤以滲之是熱之又熱耗之又耗速之斃矣且  
渴者反不用五苓而用茯苓甘草湯可知不渴則無須桂  
之蒸騰津液而桂朮之非治太陽而治三焦更不待言矣

小陷胸湯二二

栝蘆實

大者一枚

黃連

一兩

半夏

半升

水六升先煮栝蘆取三升去滓內諸藥煮取二升去滓分溫

三服



鄒潤安曰。觀仲景之用栝蘘實。在此湯曰小結胸。正在心下。按之則痛。在栝蘘薤白白酒湯曰喘息欬唾。胸背痛。短氣。而其脈一則曰浮滑。一則曰寸口沉遲。關上小緊。數是皆陰。由有陽。且踞於陽位者也。夫胸背痛。較按之方痛。則甚。痺則較結爲輕。欬唾喘息。是其勢爲上衝。而居於心下。按之纔痛。似反靜而不動。此其機。總緣氣與飲相阻。寒與熱相糾。熱甚於寒者。其束縛反急。而爲結。寒甚於熱者。其蔽塞自盛。而爲痺。是故結胸之病。伏胸痺之病。散伏者宜開。散者宜行。故一則佐以連夏之逐飲泄熱。一則佐以薤酒之滑利通陽。栝蘘實。

之裏無形攢聚有形使之滑潤而下則同能使之下似是治  
實之方僅能使之下不能使其必通又非純乎治實之道矣  
何以知不能使之必通蓋有停飲痛甚至不得卧卽當加半  
夏若兼胸滿脇下逆搶心則仍加枳朴桂枝儻竟能通又何  
必如是哉是知栝婁實之治大旨在火與痰結於陽位不純  
乎虛亦不純乎實者皆能裏之而下此其擅長矣

白散 二三

桔梗

貝母

各三分

巴豆

一分去皮心熬黑研如脂

以六銖爲一分

卽二錢五分也

爲

末內巴豆更於日中杵之以白飲和服強人半錢羸者減之

病在膈上必吐在膈下必利不利進熱粥一杯利過不止進

冷粥一杯

汪按半錢者以大錢取藥僅沒錢文之半即半錢七而省七字非若今人以五分爲半錢也

鄒潤安曰寒實結胸無熱證者治以白散散中用桔梗爲疏

通氣分之主夫開導胸中之氣仲景於大承氣湯梔子厚朴

等湯莫不用枳朴此偏不用何哉蓋病有上下治有操縱結

在上者宿痰停飲也故凡結胸無論熱實寒實甯用甘遂葶

藶巴豆不用枳朴如大陷胸湯丸白散是也結在中下始熱

與實痰氣隨熱化則於蕩滌邪穢中疏利其與邪爲伍之氣

大小二氣諸湯是也況桔梗之用使氣上越而不使氣下泄

今病在至高固宜操上而縱下不使中下無過之地橫被侵  
陵故曰病在膈上必吐在膈下必利也熱邪與停飲結治以  
栝婁而佐之者反用半夏黃連寒邪與停飲結治以巴豆而  
佐之者反用桔梗貝母於寒因熱用熱因寒用之中反佐以  
取之可謂精義入神以致用者矣

調胃承氣湯二四

大黃四兩去皮

清酒浸

甘草二兩

炙

芒硝半升

水三升先煮大黃甘草取一升去滓內芒硝更上火微煮令  
沸少少溫服之



徐洄溪曰。芒硝善解結熱之邪。大承氣用之。解已結之熱邪。此方用之以解將結之熱邪。其能調胃。則全賴甘草也。

升麻鱉甲湯 二五

升麻

當歸

甘草

各二兩

蜀椒

炒去汗一兩

鱉甲

手指大一片炙

雄黃

半兩研

水四升。煮取一升。頓服之。老小再服。取汗。金匱要略陽毒用此方。陰毒去雄黃。蜀椒。肘後千金方陽毒用升麻湯。無鱉甲。有桂。陰毒用甘草湯。卽本方。無雄黃。活人陽毒升麻湯。用犀角。射干。黃芩。人參。無當歸。蜀椒。鼈甲。雄黃。

徐洄溪曰。蜀椒辛熱之品。陽毒用而陰毒反去之。疑誤。活人

書加犀角等四味頗切當。

百合知母湯二六

百合七知母三

枚兩

先以水洗百合漬一宿當白沫出去其水別以泉水二升煎取一升去滓別以泉水二升煎知母取一升後合煎取一升五合分溫再服

王樸莊曰百合入藥以野生極小者爲勝。

百合雞子黃湯二七

百合七雞子黃一

枚枚

先煎百合如前法了內雞子黃攪勻煎五分溫服

百合滑石代赭湯二八

百合七枚

滑石三兩碎

代赭石

如彈丸大一枚碎綿裹

先煎百合如前法別以泉水二升煎滑石代赭取一升去滓後合和重煎取一升五合分溫再服

百合地黃湯二九

百合七枚

生地黃汁升

先煎百合如前法了內地黃汁煎取一升五合分溫再服中

病乃更服大便當如溲

白滑石散 三十

百合

一兩  
炙 滑石 三兩

爲散飲方寸七日三服當微利者止服熱則除

鄒潤安曰。玩百合知母湯。可以見汗則傷氣。邪搏於氣。分爲消渴熱中也。玩百合雞子黃湯。可以見吐則傷上。邪擾於心。爲煩懊不寐也。玩百合代赭湯。可以見下則傷血。邪搏於血。分爲血脈中熱也。玩百合地黃湯。可以見不經吐下發汗。則係百脈一宗。悉致其病。無氣血上下之偏矣。所謂百脈一宗者何。平人氣象論曰。胃之大絡。名曰虛里。出於左乳下。其動



應衣爲脉宗氣是最近於心。乃著邪焉。是以見證行臥不安。如有神靈。皆心中轉輾不適之狀。口苦小便數。身形如和。其脉微數。皆心中熱鬱氣惋之徵。以此例之本經百合主邪氣。腹滿心痛。蓋有若合符節者。而治法始終不外百合。則以心本不任受邪。心而竟爲邪擾。則不責將之謀慮不審。卽責相之治節不行。今邪阻於上而不下行。爲肺之不主。肅降無能。遁矣。故欲徵其愈期。極宜驗其小便。凡溺時必肺氣下導。小便乃出。今氣拄於頭。卽欲下行。上先有故。則肺形之軒舉。不隨氣之支結不降。不又何疑。乃頭中之不適。復分三等。其最

甚者至氣上柱而爲痛其次則不痛而爲淅淅然又其次則因小便通而快然卽此驗其軒舉支結之淺深微甚既瞭如指掌矣況合之以百合地黃湯下云大便當如漆百合滑石散下云微利者止服熱則除則百合之利大小便又與本經

脗合矣

栝婁牡蠣散 三一

栝婁根 牡蠣熬等分

爲細末飲服方寸匕日三服

鄒潤安曰百合病至一月不解而變成渴以百合湯洗之而

仍不差則病爲傷中上之陰無疑。雖然僅曰渴不曰欲飲水且煩不熱。究竟病無駐足之所。僅渴之一端爲得所依藉耳。於此見昔之百脉一宗。悉致其病者。今則上焦已化而在下者。尙未化也。上焦已化。百脉之病已蠲其半。百合遂無所用之。而下焦之未化者。不得不選用牡蠣。使之召陽歸陰。而其主腦。尤在治上焦之已化者。故方中配以從陽化陰之栝婁根。兩物等分。標名則升栝婁於牡蠣之上。爲一方之統攝也。

甘苦瀉心湯 三二一

甘草四兩

黃芩

人參

乾薑各三兩

半夏半升

黃連一兩 大棗十枚

寒論無  
人參

水一斗煮取六升去渣再煎取三升溫服一升日三

王晉三曰甘草瀉心非瀉結熱因胃虛不能調劑上下水寒

上逆火熱不得下降結為痞故君以甘草大棗和胃之陰乾

薑半夏啟胃之陽坐鎮下焦客氣使不上逆仍用芩連將已

逆為痞之氣輕輕瀉卻而痞乃成泰矣

赤豆當歸散三三

赤小豆三升浸令芽出曝乾 當歸十



杵為散漿水服方寸匕日三

二妙散三四

茅山蒼朮生用川黃蘗炒黑

為未擣生薑煎沸湯調服

王晉三曰此偶方之小制也蒼朮生用入陽明經能發之汗黃蘗炒黑入太陰經能除至陰之濕一生一熟相裏治陰分之濕熱有如鼓應桴之妙

生薑瀉心湯三五

生薑四兩甘草炙

人參

黃芩

各三兩

半夏

半斤

黃連

生薑

四

大

棗十二

水一斗煮取六升去渣煎取三升溫服一升日三

徐洄溪曰汗後而邪未盡必有留飲在心下其證甚雜而方中諸藥一一對證內中又有一藥治兩證者亦有兩藥合治一證者錯綜變化攻補兼施寒熱互用皆本內經立方諸法其藥性又皆與神農本草所載無處不合學者能於此等方講求其理而推廣之則操縱在我矣

半夏瀉心湯三六

半夏半升黃芩

乾薑

甘草炙

人參各二兩

黃連一兩

大棗十二枚

水一斗煮取六升去渣再煎取三升溫服一升日三  
方中行曰半夏乾薑辛以散虛滿之痞黃芩黃連苦以泄心  
膈之熱人參甘草甘以益下後之虛大棗甘溫潤以滋脾胃  
之液曰瀉心者言滿在心膈而不在胃也

大黃黃連瀉心湯三七

大黃二兩黃連一兩

麻沸湯二升漬之須臾絞去滓分溫再服

尤在涇曰成氏云此導虛熱之方也按所謂虛熱者對燥矢  
而言也蓋邪熱入裏與糟粕相結則爲實熱不與糟粕相結

則爲虛熱非陰虛陽虛之謂本方以大黃黃連爲劑而不用

枳朴等藥者蓋以泄虛熱非以蕩實熱也雄按不但不用枳朴等藥也二味僅

以麻沸湯漬須臾即絞其味甚薄乃可泄虛熱若久漬味厚雖無枳朴亦能下走腸胃也汪云尤氏解釋極精妙夢隱更

以煎法之亦妙

### 附子瀉心湯

二八

大黃二兩 黃連炒 黃芩炒 附子一枚  
酒浸 炒各一兩 別煮取汁 去皮

以麻沸湯二升漬三味須臾絞取渣內附子汁分溫再服

徐洄溪曰前方乃法之最奇者不取煎而取泡欲其輕揚清

淡以滌上焦之邪此法更精附子用煎三味用泡扶陽欲其



熱而性重開痞欲其生而性輕也

雄按觀此可知用藥之道

鄒潤安曰心之爲體於卦象離今被邪逼則外陽內伐內陰沸騰故半夏甘草生薑三瀉心湯治陰邪之未化者也大黃黃連附子二瀉心湯治陰邪之已化者也陰邪已化不逼心陽則在內之沸亂略定惟在外之邪氣尙阻則取二黃之泄熱蕩去其邪邪去正自安矣惡寒汗出者在上之陰邪纔化在下之陰氣復逆故輕取二黃之氣以蕩熱除穢重在附子之威以追逐逆陰使之異趨同歸相成而不相背也其未化者陽餒胸於陽位而恣肆於陰分邪盤踞於清道而潰泄於

下焦非乾薑半夏生薑之振散陰霾不足以廓清心之外郭  
非人參黃連之養陰泄熱不足以安擾心之內訌也又曰余  
治瘧發時先嘔者用半夏瀉心吐瀉交作者用生薑瀉心胸  
痞下利者用甘草瀉心皆應如桴鼓。

承氣湯三九

大黃

四兩

厚朴

二兩

枳實

三枚

水四升煮取一升二合去滓分溫二服初服湯當更衣不爾  
者盡飲之若更衣勿服

雄按於大承氣湯既去芒硝而減枳朴復以大黃同煎而緩

其蕩滌之性。古人謂之和胃之劑。故曰小承氣。

牛黃清心丸 四十

陝西牛黃

二分鏡面硃砂 一分錢

生黃連

五分錢

黃芩

山柎

各三錢

鬱金 二錢

爲末蒸餅爲糊丸。加黍米大。每服七八丸。

王晉三曰。此丸古有數方。其義各別。若治溫邪內陷。包絡神昏者。惟萬氏此方爲妙。蓋溫熱入於心包絡。邪在裏矣。草木之香。僅能達表。不能透裏。必藉牛黃幽香物性。乃能內透。包絡與神明相合。然尤在佐使之品。配合咸宜。萬氏用芩連山

梔以瀉心。火鬱金以通心。氣辰砂以鎮心神。合之牛黃相使之妙。是丸調入犀角羚羊角金汁甘草人中黃連翹薄荷等湯劑中。頗建奇功。

雄按周公謹云。局方牛黃清心丸。止是前八味。至蒲黃而止。自山齋以後。凡二十一味。乃補虛中山芋丸。當時不知何以誤併爲一。因循不曾改正。貽誤後人匪細。凡此之類。讀書者不可不知也。一方用牛黃雄黃黃連黃芩梔子犀角鬱金硃砂各一兩。真珠五錢。冰片麝香各二錢五分。研煉蜜丸。每重一錢。金箔爲衣。蠟匱。功效較萬方爲勝。



至寶丹 四一

生烏犀角 生瑤瑁 琥珀 鏡面硃砂研飛雄黃研飛各西牛

黃五錢龍膽研麝香研各安息香一兩五錢為末酒研飛淨金

箔 銀箔各五十片 研細為衣

先將犀瑤為細末入餘藥研勻將安息香膏重湯煮凝成後

大諸藥甲和搜成劑丸如梧子大蠟護臨服剖用人參湯化

下三丸至五丸本事方有人參南星天竺黃

王晉三曰此治心臟神昏從表透裏之方也黃犀瑤珀以存

靈之物內通心竅硃雄二箔以重墜之品安鎮心神佐以腦

麝安息搜剔幽隱諸竅東垣云冰雄牛麝入骨髓透肌膚抱

朴子言金箔雄黃合餌為地仙若與丹砂同用為聖金餌之

可以飛昇故熱入心包絡舌絳神昏者以此丹入寒涼湯藥

中用之能祛陰起陽立展神明有非他藥之可及徐氏云安神定魄必

備之方真神丹也若病因頭痛而即神昏不語者此肝虛魂升於頂

當用牡蠣救逆以降之又非至寶丹所宜輕試

涼膈散一名連翹飲子四二

連翹四兩 大黃酒浸 芒硝 甘草各二兩 黃芩酒炒 薄荷 梔子各一兩

為粗末每服三五錢加竹葉七片水一椀半煎一椀去滓入

生白蜜一匙微煎溫服與四物各半服能和營泄熱名雙和

散本事方加赤芍甘葛治諸熱累效 玉機云輕者宜桔梗

湯即本方去硝黃加桔梗舟楫之品浮而上之去膈中無形

之熱且不犯中下二焦也

雄按此方加減法詳宣明論

徐洄溪曰此瀉中上一焦之火即調胃承氣加疏風清火之

品也

余師愚曰熱淫於內治以鹹寒佐以苦甘故以連翹黃芩竹

葉薄荷升散於上大黃芒硝推蕩其中使上升下行而膈自

清矣子謂疫疹乃無形之熱投以硝黃之猛烈必致內實因

去硝黃加生石膏。桔梗使熱降清升而疹自透亦上升下行。

之義也。

雄按法本宜明翦裁甚善。

犀角地黃湯

四三

暹羅犀角

磨汁連翹各三錢

生甘草

五分

水二鍾武火煎三物至八分去滓入犀汁和服。

王晉三曰溫熱入絡舌絳煩熱八九日不解醫反治經寒之

散之攻之熱勢益熾得此湯立效者非解陽明熱邪解心經

之絡熱也。按本草犀角地黃能走心經專解營熱連翹入心

散客熱甘草入心和絡血以治溫熱證熱邪入絡功勝局方



導赤散 四四

生地

木通

甘草梢

各等分雄按生地木通不應等分

水煎服或加淡竹葉

雄按本方去甘草加黃芩蜜丸名火府丹亦治心熱溺澀淋渴等證本方加升

麻黃連丹皮名升麻清胃湯輕清涼血乃秦皇士透化斑疹之良劑

徐洄溪口此瀉心火從小腸中出也

理中丸 四五

人參

甘草

炙

朮

乾薑

各三兩

搗篩爲末蜜和爲丸如雞子黃大以沸湯數合和一丸研碎

溫服之日三四服夜二服腹中水熱益至三四丸

雄按未熱字類著

眼中不治者其可服乎然不及湯湯法以四味依兩數切用六升者

取二升去渣滓溫服一升日三

徐泗溪曰此仲景治寒多霍亂之方也蓋亦傷寒之類後人

以暑邪之吐利當之而亦用此方更造為大順散者皆無稽

之論也

### 四君子湯 四六

人參 白朮 炒 茯苓 各二錢 甘草 炙一錢 生薑 三片 大棗 二枚 水煎溫服

徐洄溪曰此補脾之主方

### 玉女煎 四七

生石膏

三五錢

熟地

二三五錢  
或一兩

麥冬

二錢

知母

牛膝

各一錢  
五分

水一鍾

半煎七分服

雄按陳修園力闢此方之謬然用治陰虛胃火熾盛之齒痛

頗有捷效若治溫熱病地黃宜生牛膝宜刪葉氏引用決不

泥守成方近讀景岳發揮果與先生之論印合。

四物湯

四八

生地

當歸

各三兩

芍藥

一兩

芩藥

二兩

咬咀每服四錢水二錢煎八分去滓溫服

張路玉曰四物為陰血受病之專劑非調補真陰之藥也。

小柴胡湯四九

柴胡半斤黃芩

人參

甘草炙

生薑各三兩

半夏半升

大棗十二枚

依

水一斗二升煮取六升去滓再煎取三升溫服一升日三

尤拙吾曰熱入血室三條其旨不同第一條是血舍空而熱

乃入者空則熱不得聚而游其部故脅滿痛第二條是熱邪

與血俱結於血室者血結亦能作寒熱柴胡亦能去血結不

獨和解之謂矣第三條是熱邪入而結經尙行者經行則熱

亦行而不得留故必自愈無犯胃氣及上二焦病在血而不

在氣在下而不在上也若誅伐無過變證隨出烏能自愈耶

沈再平曰。公人治瘧。必用此湯。若非此湯。卽不足以爲治者。  
故致展轉淹滯。變生不測。竟能殞命。則知瘧本非死證。惟概  
以柴胡治瘧者。殺之也。夫柴胡爲少陽表藥。若其瘧果發於  
少陽。而以柴胡治之。無不立愈。若係他經。用之則必使他經  
之邪展轉而入少陽。遷延以斃。乃旣死猶曰柴胡爲治瘧主  
藥。吾開手卽用之。不知其何以死。病家亦以柴胡治瘧而竟  
不效。真其命之當死也。彼此昏迷。不得一悟。良可浩歎。

論瘧。旣分六經。又分藏府。其  
不泥定少陽一經。醫家釋之。

雄按  
內經

雄按本方柴胡各八兩。準今得六錢。零八釐。參草芩薑各三



兩準今得二錢二分八釐。棗十二枚。以水一斗二升準。今得八合零四抄。煮至減半。去滓。再煎至減半。夫煎而又煎。祇取四分之一。其湯之濃郁甘柔可知。喻氏謂和劑取其各藥氣味之相和。予謂和者取其氣緩味厚。斯爲補正。托邪之劑。故惟風寒正瘧邪在少陽者可以按法而投。則參甘薑棗補胃充營。半夏利其樞。柴芩解其熱。病無不愈矣。猶之令人於瘧發之先飽啖羊肉酒飯。亦能取效。蓋風寒自表而受。胃府空虛。自能安穀。治必先助中氣。托邪外出。卽禦外邪杜其內入。誠一舉兩全之策也。若溫熱暑溼諸瘧。邪從口鼻而受。肺胃

之氣先已窒滯病發卽不飢惡穀腕悶苔黃苟不分別但執此湯奉爲聖法則參甘薑棗溫補助邪驟則液涸神昏緩則邪留結痞且有耗傷陰血而成瘧勞者卽不用全方而專以柴胡爲治瘧主藥亦惟營陰充裕或溫熱暑溼之邪本不甚重及兼感風寒之表邪者始可見功故倪涵初所定三方亦愈病者稀而加病者多也世人凡患瘧不究病因輒以薑棗湯灌之其弊類此羊肉亦然凡屬時瘧雖愈後亦忌食食則必復此時瘧之所以異於正瘧也可不察哉

桂枝紅花湯 五十

傷寒桂枝湯加紅花

蔥豉湯五一

蔥白一握香豉三合

水煎入童子小便一合日三服

雄按蘆根桑葉滑石蔗漿之類皆可隨證佐用

張路玉曰本方藥味雖輕功效最著凡虛人風熱伏氣發濕及產後感風靡不隨手獲效

尤拙吾曰溫邪之發陰必先傷設有當行解散者必兼滋陰之品於其中昔人於蔥豉湯內加童便於梔豉湯中加地黃

麥冬亦此意也

雄按二方加減古法最詳

華岫雲曰在內之溫邪欲發在外之新邪又加蔥豉湯最爲捷徑表分可以肅清。

鄒潤安曰梔子與蔥白一係泄熱一係通陽泄熱者縱通陽者橫縱則能通上下之道此所以宜於汗吐下後表邪已解之時橫則能達外內之情此所以宜於病初起卒難辨識之際而豆豉擅開發上焦鬱抑宣導陰濁逗留故在先而在後藉以奏功也

雄按葉氏春溫篇於新邪引動伏邪亦主是方蓋此傷爲溫熱初病開手必用之劑鞠運不察舍近而圖遠遂爲喻氏贖

說感以桂枝湯爲初感之治。仍不能跳出傷寒圈子矣。意欲紹述仲聖乎。則祖上之門楣。不可誇爲自己之閥閱也。拘守其跡。豈是心傳。尤氏云。桂枝湯爲傷寒表病而裏和者設。設溫病伏寒變熱。少陰之精已被劫奪。雖有新舊合邪。不可更用辛溫助熱而絕其本也。吳氏殆未之聞耶。

清心涼膈散 一名桔梗湯 五二

卽涼膈散去硝黃加桔梗。余氏又加生石膏爲治疫疹初起之

良劑

葦莖湯 五三



葦莖二斤 薏苡仁

瓜瓣各半斤

桃仁五枚

水一斗先煮葦莖得五升去滓內諸藥煮取二升服一升再

服

雄按鄒氏續疏云葦莖形如肺管甘涼清肺且有節之物生於水中能不爲津液閼隔者於津液之閼隔而生患者尤能使之通行薏苡色白味淡氣涼性降秉秋金之全體養肺氣以肅清凡溼熱之邪客於肺者非此不爲功也瓜瓣卽冬瓜子依於瓢內瓢易潰爛子能不泡則其能於腐敗之中自全生氣卽善於氣血凝敗之中全人生氣故善治腹內結聚

諸瘡而滌膿血濁痰也。桃仁入血分而通氣合而成劑。不僅  
爲肺瘡之妙藥。竟可瘰肺痺之危疴。

瀉白散 五四

桑白皮

地骨皮

各一兩

甘草

五錢

爲粗末。每服一二錢。入粳米百粒水煎。

徐洄溪曰。此方能治肺中之飲。

雄按。此瀉去肺熱而保定肺氣之方也。若肺不傷於熱而後

於風寒者。誠有如鞠通所謂必將邪氣戀定而漸成勞怯矣。

故用藥必先議病也。

葶藶大棗瀉肺湯 五五

葶藶

熬令黃色搗丸如雞子大

大棗

十二枚

水三升煮棗取二升去棗內葶藶煮取一升頓服

雄按外臺用葶藶杏仁各一升大棗六十枚合杵如膏加蜜

作丸桐子大桑白皮湯下六七十丸以大便通利為度本事

方無杏仁有陳皮桔梗棗肉丸梧子大每服五七丸飲下名

棗膏丸元戎於本方加麻黃五味子並治痰實飲閉而為喘

脹者余治虛弱人患實痰哮喘者用葶藶炒黃煎湯去渣以

湯煮大棗食之亦變峻劑為緩劑之一法也

竹葉石膏湯 三六

竹葉二斤 生石膏一斤 半夏半升 人參三兩 甘草二兩 麥門冬一斤 粳米

洗

半升

人參

三兩

甘草

二兩

麥門冬

一斤

粳米

半升雄按陳修園曰傷寒論用人參者有數方皆因汗吐下之後亡其津液故取甘涼以救其陰也

水一斗先煮六味取六升去滓內粳米煮米熟湯成去米溫

服一升日三

集驗此方加生薑治嘔最良雄按余用此方治暑瘧極妙

徐洄溪曰此治傷寒解後虛羸少氣之善後方也蓋大病之

後必有留熱治宜清養後人俱概用峻補以留其邪則元氣

不能驟復愈補愈虛矣

雄按此理惟喻氏知之葉氏精之

清燥救肺湯 五七

經霜桑葉三錢去筋杏仁七分去皮尖炒黃麥門冬一錢二分生石膏二錢五分人參

阿膠八分胡麻仁一錢枇杷葉去毛筋片甘草一錢

水一椀煎六分食遠服痰多加貝母栝婁血枯加生地熱甚

加犀角羚羊角或加牛黃

柯韻伯曰古方用香燥之品以治氣鬱不獲奏效者以火就

燥也惟繆仲淳知之故用甘涼滋潤之品以清金保肺立法

喻氏宗其旨集諸潤劑而製此湯用意深取藥當無遺蘊矣

妙香丸 一名大聖丸五八

巴豆三百十五粒去皮心膜炒熟研如麵牛黃研膩粉研龍腦研麝香研各三兩辰砂



飛九  
兩  
金箔九  
片研

研勻煉黃蠟六兩入白蜜三分同煉令勻為丸每兩作三十

丸白湯下二九日二宜明有水  
銀硃砂

此丸治驚癩百病亦治傷寒潮熱積熱結胃發黃狂走躁熱

大小便不通徐氏云三分一丸難於下咽宜作一分一丸每服三丸為安。

六一散一名天水散五九

桂林膩白滑石六兩水飛甘草一兩

為細末每服三錢溫水或新汲水調下日三暑溼內侵風寒

外襲者豆豉五十粒蔥白五寸水一棗煮汁調下即解甚者

三服必愈。催生下乳。溫水搗胡麻漿調下。并可下死胎。解斑蝥毒。加辰砂少許。名益元散。加黃丹少許。名紅玉散。加青黛少許。名碧玉散。加薄荷葉末少許。名雞蘇散。

李瀕湖曰：熱散則三焦甯而表裏和，溼去則闌門通而陰陽利。完素以之治七十餘證，讚為凡閒仙藥，不可缺之。雄按：小者勿服。

### 大順散 六十一

甘草 二十斤

乾薑

杏仁

去皮

肉桂

去粗皮 各四斤

先將甘草同白砂炒及八分黃熟

土晉二日白砂即河砂或云是白砂糖非次入

乾薑同炒令薑裂次入杏仁又同炒候不作聲爲度篩去砂  
後入肉桂一處搗爲散每服二錢水煎溫服如煩躁并華水  
調下不拘時沸湯調亦可

王安道曰此方甘草最多乾薑杏仁肉桂次之除肉桂外三  
物皆妙者原其初意本爲冒暑伏熱引飲過多脾胃受溼嘔  
吐水穀不分臟腑不調所立蓋溫中藥也內有杏仁不過以  
其能下氣耳若以之治靜而得之之證吾恐不能解而反增  
內煩也世俗不明類曰夏月陰氣在內此等方爲必用之藥  
吁誤矣夫陰氣非寒氣也蓋夏月陽氣發散於外而陰氣則

在內耳。豈可視陰氣爲寒氣。而用溫熱之藥乎。陰果爲寒。何以夏則飲水耶。

徐洄溪曰。此治暑月內傷。飲冷證。非治暑也。又甘草多於諸藥八倍。亦非法。此等病。百不得一。偶用之耳。而制藥四十二斤。又止服二錢。其意何居。其方本不足取。而世之庸醫。竟以此治燥火之暑病。殺人無算。可勝悼哉。

紫雪 六一

黃金

一百兩徐云以飛金一萬頁代之尤妙

寒水石

慈石

石膏

滑石

各一斤

以上並搗碎用水一斛煮

至四斗去滓入下藥

羚羊角屑

犀角屑 青木香 沈香

各五斤 宜用二兩

升麻

斤甘草

八兩以上入前藥

汁中再煮取一斗五升去滓入下藥

朴硝

斤硝石 四斤徐云 宜用十分

二硝之一

二味入前藥汁中微火上煎柳

木筩攪不住候有七升投在木盆中半日欲凝入下藥

硃砂

三麝香當門子

一兩二錢五分

二味入前藥中攪調令勻瓷器收藏藥

成霜雪而色紫新汲水調

下雄按雞峰方無慈石滑石硝石其 二角祇用各十兩丁沈木香各五

兩升麻六兩朴硝二斤麝

香御用三兩餘 六味同又薛公望云方中黃金不用亦可

徐洄溪曰邪火毒火穿

經入臟無藥可治此能消解其效如

神



禹餘糧丸

即鉞砂丸又名蛇含石丸六二

蛇含石

即蛇黃大者三兩一般紅用鉗取蛇

以新鐵銚盛入炭火山燒石與銚子黃傾入醋中候冷研極細末聽用

禹餘糧

三兩真鉞砂五兩以

水淘淨炒乾入銚糧一處用米醋二

中燒紅鉗出傾藥淨甄上候冷研細

以三物為主其次量人虛實入下項藥 羌活 川芎 木香

扶苓 牛膝 桂心 白豆蔻 大茴 蓬朮 附子 乾

薑 青皮 三稜 白蔞 藜 當歸 酒浸一宿各五錢

為末入前藥拌勻以湯浸蒸餅揆去水和藥再杵為丸梧子

大食前溫酒白湯任下 三十九至五十九最忌鹽一毫不可

入口否則發疾愈甚但試服藥即於小便內旋去不動臍

而能去病日三服兼以溫和調補氣血藥助之真神也

此乃治水腫寒積之方。今人輒用以治脹。然脹有寒熱。設熱脹誤服。貽害非輕。丹溪云。溫熱之藥太多。宜有加。

可徒執其方。魏玉橫云。陰虛內熱。而為臍脹。誤服燥熱石藥。必死。

徐洄溪曰。此方兼治有形之積塊。

### 牡蠣澤瀉散六三

牡蠣 澤瀉 蜀漆洗去腥 栝實根 葶藶子 商陸根 熬海藻

洗去鹹 各等分

異擣下篩為散更入臼中杵之白飲和服方寸匕小便利止

後服雄按古云商陸水煎能殺人

華岫雲曰。葉氏雖善用古方。然但取其法而並不膠柱。觀其加減之妙。如復脈建中瀉心等類。可知至用牡蠣澤瀉散。祇取此二味。故案中有但書用某方而不開明藥味者。決非盡用原方。必有加減之處。觀者以意會之可也。雄按此論通經諸方皆當作如

是觀

鄒潤安曰。牡蠣澤瀉散。證水蓄於下。上焦之氣不能為之化。故類萃商陸葶藶以從上。下降澤瀉海藻以啟水中清氣上行。栝婁牡蠣則一以上濟其清。一以下召其濁。而使之化耳。

又曰牡蠣澤瀉散治腰以下水氣不行必先使商陸葶藶從肺及腎開其來源之壅而後牡蠣海藻之軟堅蜀漆澤瀉之開泄方能得力用栝婁根者恐行水之氣過駛有傷上焦之陰仍使之從脾吸陰還歸於上與常山之蛇擊其首則尾應擊其尾則首應者不殊也

越脾湯 六四

麻黃

六兩

石膏

八兩

生薑

三兩

甘草

二兩

大棗

十二枚

水六升煮麻黃去沫內諸藥煮取三升分三服惡風加附子

一枚

喻嘉言曰。越脾湯者。示微發表於不發之方也。大率取其通調營衛。麻黃石膏一物。一甘熱。一甘寒。合而用之。脾偏於陰。則和以甘熱。胃偏於陽。則和以甘寒。乃至風熱之陽。水寒之陰。凡不和於中土者。悉得用之。何者。中土不和。則水穀不化。其精悍之氣。以實營衛。營衛虛則或寒或熱之氣。皆得壅滯其隧道。而不通於表裏。所以在表之風水用之。而在裏之水兼渴而小便自利者。咸必用之。無非欲其不害中土耳。不害中土。自足消患於方萌矣。

甘遂半夏湯

六五



甘遂

大者三枚

半夏

十二枚

芍藥

五枚

甘草

如指大一

一本無

水二升煮取半升去滓以蜜半升和藥汁煎取八合頓服之

王晉三曰甘遂反甘草者此欲下而彼欲上也乃以芍藥約

之白蜜潤之則雖反而甘遂仍得下滲靈樞有言約方如約

囊甘遂半夏逐留飲瀰漫於腸胃之間雖利而續堅滿苟非

以甘草白蜜與甘遂大相反者激而行之焉能去其留著之

根相反為方全賴芍藥之酸可勝甘約以監反庶不溷亂中

焦而為害然學識未優者不可輕試於人也

控涎丹

一名妙應丸六大

甘遂

去心

大戟

去皮

白芥子

各等分

爲末蒸餅糊丸每服五七丸至十九丸臨臥薑湯服

雄按余治虛人飲證

每以大君子湯去甘草送服甚妥毛達可謂之子龍丸云治流注鼠毒甚效

王晉三曰控引也涎讀作羨涵涎也水流貌引三焦之水涵

涎流出於水道也芥子色白入肺而達上焦甘遂色黃入脾

而行中焦大戟色黑入腎而走下焦故白芥子走皮裏膜外

之水飲甘遂決經隧之水飲大戟逐臟腑之水飲三者引經

各異涵涎於水道則同故複之爲方而名控涎也

又控涎丹治諸痢 六七

圭川鳥

半夏

洗礬炒各半兩生鐵粉三錢

全蝎

甘遂

錢半麪

裏煨

爲細末生薑自然汁爲丸如綠豆大硃砂爲衣每服十五丸

生薑湯下二方俱忌食甘草

五子五皮湯 六八

卽五皮飲加杏仁蘇子葶藶子白芥子萊菔子一方無杏仁

子有香附子車前子

桂苓丸 六九

桂一 扶苓二

爲末蜜丸沸湯下二錢作湯名桂苓散

禹功丸 即禹功散七十

黑牽牛頭 入磨一次不復再磨四兩 大茴香 炒兩

爲細末以生薑自然汁調服一二錢或加木香一兩

防己扶苓湯 七一

防己 黃耆 桂枝 各三兩 扶苓 六兩 甘草 二兩

水六升煮取二升分溫三服

王首三日余治太陽腰髀痛審證借用此方如鼓一應桴

中滿分消湯 七二

半夏

錢一

厚朴

黃連

黃

蘗

俱薑製

川烏

乾薑

俱炮

開口吳

黃

炒

草豆蔻

炒

研木香

人參

各五分

茯苓

澤瀉

各一錢半

生薑

五片

水煎稍熱服大忌房勞生冷炙煨酒麪糟醋鹽醬等物身熱

脈浮喘滿有表證加麻黃五分血虛至夜煩熱加歸身黃耆

各五分陽氣下陷便溺赤澀加升麻柴胡各三分脾氣虛弱

飲食不磨去黃蘗加益智仁畢澄茄青皮各二分

中滿分消丸

七三

厚朴

半夏

黃連

俱薑汁炒

黃芩

枳實

白朮

用枳實拌溼炒焦

乾生

薑

茯苓

豬苓

澤瀉

人參

各五錢

甘草

炙一錢



湯浸蒸餅爲丸。梧子大，每服百丸，沸湯下。脾胃氣滯，食積

脹滿，加陳皮、砂仁各五錢。經脈溼滯，腹皮酸，臂痛不可拊者，

加片子薑黃一錢。肺熱氣化不行，溺閉喘渴者，加知母三錢。

張路玉曰：東垣分消湯丸一主溫中散滯，一主清熱利水。原

其立方之旨，總不出內經平治權衡，去菴陳莖，開鬼門，潔淨

府等法。其湯方主中滿寒脹，乃下焦陰氣逆滿，抑遏中焦陽

氣，有似乎陰之象。故藥中雖用烏頭之辛熱，宣布五陽爲辟

除陰邪之嚮導，卽用連檉之苦寒以降泄之。苟非風水膚脹

脈浮證起於表者，孰敢輕用開鬼門之法，以鼓動其陰霾四

塞乎丸方主中滿熱脹用黃芩之輕揚以降肺熱則用豬苓  
澤瀉以和導之故專以潔淨府爲務無事開鬼門宣布五陽  
等法也

小青龍湯七四

麻黃去節芍藥 細辛 乾薑 甘草炙 桂枝各三兩 五味子 半

夏各半升

水一斗先煮麻黃湯減二升去上沫內諸藥煮取三升去滓  
溫服一升

徐洄溪曰此方專治水氣蓋汗爲水類肺爲水源邪汗未盡

必停於肺胃之間。病屬有形，非一味發散所能除。此方無微不至，真神劑也。

木防己湯 七五

木防己

三兩

桂枝

二兩

人參

四兩

石膏

如雞子

大二枚

水六升，煮取二升，分溫再服。虛者即愈，實者復發。去石膏，加茯苓、芒硝。

尤拙。吾曰：防己、桂枝一苦一辛，並能行水氣而散結氣。而痞堅之處，必有伏陽吐下之餘，定無完氣。書不盡言，而意可會也。故又以石膏治熱人，參益虛。於法可謂密矣。其虛者外雖

痞堅而中無結聚卽水去氣行而愈其實者中實有物氣暫行而復聚故三日復發也云石膏加芒硝者魏柏鄉云以其既散復聚則有堅定之物留作包囊故以堅投堅而不破者卽以爽投堅而卽破也加秋苓者亦引飲下行之用耳

鄒潤安曰防己之莖如木故名木防己後世以其出漢中因又名漢防己非二物也如仲聖但以防己名湯則曰木防己湯連他物以名湯則除去木字以便稱謂耳後人以莖爲木以根爲漢及治風治水之分均屬臆斷

藿香正氣散 七六

厚朴 陳皮 桔梗 白朮 半夏各二兩 大腹皮換檳榔亦可

白芷 茯苓 蘇葉 藿香各三兩 甘草炙一兩

爲粗末每服三錢薑三片棗一枚煎熱服

不換金正氣散七七

蒼朮泔浸去皮麻油拌炒黃四兩 厚朴去皮薑汁炒 陳皮白 甘草炙各三兩 藿香 半

夏各二兩

爲粗末每服三錢水煎湯溫服或加香豉

雄按二方皆治風寒外感食滯內停或兼溼邪或吸穢氣或傷生冷或不服水土等證的是良方若溫暑熱證不兼寒溼



者在所切。禁今人謂其統治四時感證不審病情一概亂用殊可笑也。

六和湯 七八

香薷二錢 人參

茯苓

甘草

扁豆

厚朴

木瓜

杏仁

去皮

尖半夏各一錢

藿香

砂仁

炒各六分

生薑

片大棗

一枚

水煎熱服一方無香薷有白朮

雄按此亦治暑月外感風寒內傷生冷之劑香薷飲之方不

一主治略同皆非治暑之藥也用者辨之

五積散 七九

蒼朮 厚朴 陳皮 甘草 麻黃 桂枝 炮薑 半夏

茯苓 枳殼 桔梗 芍藥 當歸 川芎 白芷 生薑

蔥白

爲租末每服三錢水煎服

雄按此治外受寒溼內挾冷食之劑

益黃散 八十

陳皮 青皮 下食入太陰之臟 丁香 去脾胃中寒各二錢 訶子肉 五錢能開胃消食止痢 甘

草 炙三錢

爲末每服一二錢水煎錢仲陽用治脾土虛寒嘔吐泄瀉

又益黃散

八一

人參

陳皮

去白各一錢

黃耆

生甘草

炙甘草

各五分

芍藥

七分黃

連

許少

爲末每服二錢水一杯煎五分服李東垣用治慢脾風

星附六君湯

八一

卽六君湯加製南星白附子

連香飲

跌

俟考

雄按本論主治熱氣深伏煩渴嘔逆必以黃連之苦降泄熱

爲君或謂卽香連丸則木香與火升作嘔者非所宜也若寒嘔則石連丁香飲甚妙

黃連竹筴橘皮半夏湯 八三

藥卽湯見

雄按此方於橘皮竹筴湯去生薑之溫甘草之甘加黃連之苦寒以降諸逆衝上之火半夏之辛開以通格拒搏結之氣用治嘔噦其效如神。

來復丹 八四

太陰元精石

舶上硫黃

硝石

各一兩用硫黃爲末微火炒結成砂子大橘紅

青皮去白五靈脂澄去砂炒令

煙盡各二錢

為末醋糊丸豌豆大每服三十九白湯下

七香餅八五

香附 丁香皮各一兩 甘松八錢 益智仁六錢 砂仁 蓬朮 廣

各二錢

為末神麴糊調勻捏成餅子每重二二錢乾之用時杵碎水

煎服

平胃散八六

茅山蒼朮去粗皮米泔浸五兩 紫厚朴去皮薑汁炒 陳皮去白各三兩二錢 甘草炙二兩



余國爲自燄甚傾與血凝而土干心宜姑輒管而收其血其

則其合目三則當燄味則不必出可血也燄味俱動燄火燄滿不及曰燄

水主其燄燄二其半去燄肉昔節更上火燄燄不火去合燄

燄去火火燄去火火大黃兩甘草兩桂枝兩苦節兩二膽湯用涼劑而

燄燄承燄燄燄用溫之謂也。

咱平胃合在萃也 雖已超越前賢而義猶未暢也二承

胃萃燄八上之氣草腫矣若卑監者乃脾德有慚土不勝溼健運生

耳本非咱平之謂也 也夫脾字從卑原爲陰土其性惡溼

軀土之卑濕而谷曰平胃膏以軀燄對而代脾胃自平而制

不痛盡也善 清味何故則貴誠肌林子煎而愈古之入

對小則不前 昔以熱汗而愈何良哉對定以 雖望人亦自

實非林而以 林具非首幾何由野此若 對滿尚置賜五誠

以汗而汗無 以汗而汗青無林非屎滅以血熱而

也首熱寒而 不盛不熱而反熱青無也蓋原以汗而

視則而深也 也血青無也並無視則知自點許自視則

熱而無熱 編視無熱寒者熱也首視則視熱育視不無

濕而安自熱 血一結則寒命金匱要略論之是籍大凡日

血更請宜出 主文 且不得用桂枝白芍藥有脈大也汗

熱而汗苦消 自汗則汗出亦消自愈則小則熱熱甚

熱而行。苟能自下，則邪從血出，亦能自愈。但小腹急結，是蓄血現證，宜此主之。

鄒潤安曰：瘀血一證，傷寒論金匱要略論之最詳。大凡已見熱標而無熱證，脈無熱象者，瘀也。有所阻則應有所不通，有所阻而氣化仍通者，瘀也。並無所阻而自謂若有所阻者，瘀也。有燥象而不渴，不應渴而反渴者，瘀也。蓋氣以化而行，要以行而化，氣已行而結者，猶結則非氣病，況血應濡而不燥，實非枯而似枯，是非有瘀，何由得此哉？

雄按余治李氏婦，後溺瀉，賢顧氏婦，

後小便不通

皆以瘀行而愈，可見病機多幻，雖聖人亦有不能盡也。考許知可治毘陵貴婦，用桃仁煎而愈，古之入

行之者矣。王清任論病專究瘀血。卽葉氏所云病久入絡。義皆本於仲景也。

白虎加桂枝湯八九

石膏

一斤知母

六兩甘草

二兩粳米

二合桂枝

三兩

兩

劉每服五錢。水一瓊。半煎至八分。去滓溫服。汗出愈。

鄒潤安曰。或問桂枝與白虎寒熱天淵。安可兼用。且論中諄諄以表不解。禁用白虎。既可兼用。則何不如此。而必待表解乎。曰。表不解。不可與白虎條。上文言脈浮發熱無汗。乃麻黃證。非特不得用白虎。且不得用桂枝矣。白虎證者。脈大也。汗出也。煩渴欲飲水也。三者不兼。卽非是。今云其脈如平。身無

寒但熱時嘔皆非白虎證亦未必可用桂枝特既與白虎則三者必具再加骨節煩疼之表則無寒不得用柴胡有汗不得用麻黃熱多又不得用附子不用桂枝和營通絡而誰用者且古人於病有分部非如後世多以陰陽五行生克爲言雄按因此遂成議藥不議病之世界積重難反奈何傷寒有傷寒用藥之例溫瘧有溫瘧用藥之例蓋傷寒自表入裏故有一毫未化之寒卽不可與全入者並論溫瘧自內出外裏旣全熱但有骨節煩疼一種表證卽不得全認爲熱而單用白虎故必兼桂枝使之盡化而頃刻致和矣

四獸飲九十



卽六君子湯加草果爲散每服四五錢生薑三片鹽少許烏梅  
一個水煎服

薑薑飲九一

人參 生薑等分

陰陽水煎去滓露一宿再煎數沸溫服

葉香巖曰瘧疾之發由於受暑者多若驟用溫補截之爲害

不淺松江趙嘉柱瘧發數次用此法變血痢而死雄按此方必邪衰正

餒而纏綿不已者始可用以截之白露降而炎暑消故取秋露以滌餘邪若秋前露自地升不能取也

鼈甲煎丸九二

鼈甲十一分炙烏扇即射干燒鼠婦熬乾薑 大黃 桂枝 石韋去毛厚

朴 紫葳 阿膠各三分 柴胡 蜣螂熬各六分 芍藥 牡丹皮 麝

蟲熬各五分 葶藶熬 半夏 人參各一分 瞿麥 桃仁各二分 蜂窠四分炙

赤硝十二分

為末取鍛竈下灰一斗清酒一斛五斗浸灰俟酒盡一半著

鼈甲於中煮令泛爛如膠漆絞取汁內諸藥煎為丸如梧子

大空心服七丸日三服雄按凡用介類之藥入丸劑皆當仿此聖法庶無流弊

王晉三曰鼈甲煎丸都用異類靈動之物若水陸飛潛升者

降者走者伏者咸備焉但恐諸蟲擾亂神明取鼈甲為君守

之其秘厥陰破癥瘕之功有非草木所能比者阿膠達表息  
風鼈甲入裏守神蟻螂動而性升蜂房毒可引下塵蟲破血  
鼠婦走氣葶藶泄氣閉大黃泄血閉赤硝莢堅桃仁破結烏  
扇降厥陰相火紫葳破厥陰血結乾薑和陽退寒黃芩和陰  
退熱和表裏則有柴胡桂枝調營衛則有人參白芍厚朴達  
原劫去其邪丹皮入陰提出其熱石葦開上焦之水瞿麥滌  
下焦之水半夏和胃而通陰陽礬灰性溫走氣清酒性暖走  
血統而論之不越厥陰陽明二經之藥故久瘧邪去營衛而  
著臟腑者卽非瘧母亦可借以截之金匱惟此方與薯蕷丸

藥品最多。皆治正虛邪著。久而不去之病。非彙集氣血之藥。

攻補兼施。未易奏功也。雄按有形癥瘕。按之不移者。即非瘧母。亦可借以緩消。

### 六神湯 九三

即四君子湯加山藥扁豆。雄按二陳湯去甘草加旋覆花石菖蒲。膽南星亦名六神湯。治顛狂昏厥。

諸痰證極效

### 二黃湯 九四

黃連酒黃芩酒大黃酒浸各等分金匱倍大黃名瀉心湯

麻沸湯二升漬之。須臾絞去汁。分溫再服。為末煉白蜜丸。梧

子大名三黃丸。去大黃加黃檗等分煎。名金花湯。更加梔子

名梔子 金花湯即黃連解毒湯為末蜜丸名金花丸 金花湯蜜丸名

三補丸 三黃丸加黃檗等分滴水丸名大金花丸

張石頑曰金花湯止苓連檗三味作丸名三補金花丸較湯

多梔子作湯名解毒更加大黃則名大金花湯湯丸雖異功

用不殊但取急攻則用湯緩祛則用丸微有區別耳

甘露消毒丹 一名普濟解毒丹九五

飛滑石十五兩 綿茵陳十一兩 淡黃芩十兩 石菖蒲六兩 川貝母 木通

各五兩 藿香 射干 連翹 薄荷 白豆蔻 各四兩

各藥曬燥生研細末見火則藥性變熱 每服三錢開水調服日二次



或以神麴糊丸如彈子大開水化服亦可

雄按此治溼溫時疫之主方也六元正紀五運分步每年春分後十三日交二運徵火旺天乃漸溫芒種後十日交三運宮土旺地乃漸溼溫溼蒸騰更加烈日之暑爍石流金人在氣交之中口鼻吸受其氣留而不去乃成溼溫疫癘之病而爲發熱倦怠胃悶腹脹肢痠咽腫斑疹身黃頤腫口渴溺赤便秘吐瀉瘧痢淋濁瘡瘍等證但看病人舌苔淡白或厚膩或乾黃者是暑溼熱疫之邪尙在氣分悉以此丹治之立效並主水土不服諸病

神犀丹 九六

烏犀角尖

磨

石菖蒲

黃芩

各六兩

直懷生地

冷水洗淨浸透搗絞汁

金花

各一斤如有解者搗汁用尤良

糞清

連翹

各十兩

板藍根

九兩無則以飛淨青黛代之

香薷

八兩元參

七兩花粉

紫草

各四兩

各生曬研細

忌用火炒

以犀角地黃汁

糞清和搗為丸

切勿加蜜如難丸可將香豉煮爛

每重三錢涼開水化服日一

次小兒減半如無糞清可加人中黃四兩研入

雄按溫熱暑疫諸病邪不即解耗液傷營逆傳內陷痙厥昏

狂譫語發斑等證但看病人舌色乾光或紫絳或圓硬或黑

苔皆以此丹救之若初病即覺神情昏躁而舌赤口乾者是

溫暑直入營分。酷暑之時。陰虛之體。及新產婦人。患此最多。急須用此。多可挽回。切勿拘泥。日數。誤投別劑。以僨事也。兼

治痘瘡毒重。夾帶紫斑危證。暨痘疹後餘毒內熾。口糜咽

目赤神煩諸證。

方中犀角為君。鎊而煎之。味極難出。磨則力者。豫為合就。施送。則患者易得。救活必多。貧者重生。除功亦大。或存心之藥。鋪照本製售。亦方便之一端也。

### 溫膽湯 九七

竹茹

枳實

半夏

各一兩

橘紅

一兩五錢

茯苓

七錢

甘草

炙四錢

每服四

五錢生薑一片紅棗一枚水一鍾五分煎七分服

羅東逸曰。膽為中正之官。清靜之府。喜甯謐。惡煩擾。喜柔和。

不喜壅鬱。蓋東方大德少陽溫和之氣。也是以虛煩鬱者。中正之官。以煖熱而不滯也。熱嘔吐苦者。清靜之府。以鬱久而不謐也。痰氣上逆者。土家溼熱反乘而木不得遂。其條達也。如是者。首當清熱及解利。三焦方中以竹筴清胃皖之陽。而臣以甘草橘半。通胃以調其氣。佐以枳實。除三焦之痰壅。使以茯苓平滲。致中焦之清氣。且以驅邪。且以養正。三焦平而少陽平。三焦正則少陽正。膽家有不清甯而和者乎。和即溫也。溫之者實涼之也。晉三亦云。膽氣退熱爲溫。非謂膽寒

而溫之也。

雄按此方去薑棗加黃連治溼熱。痰而化瘧者甚妙。古人所未知也。

麻黃杏仁甘草石膏湯九八

藥卽湯見

張石頑曰。此大青龍湯去桂枝越脾湯加杏仁也。

雄按彼二方有薑棗

專祛上焦溼熱痰氣與苓桂朮甘湯互發。彼藉朮專祛心下之支飲。此藉石膏專祛膈上之溼熱也。

尤在涇曰。汗出而喘無大熱者。其邪不在經腠而在肺中。故非桂枝所能發。麻杏辛甘入肺散邪氣。肺被邪鬱而生熱。石膏辛寒入肺除熱氣。甘草甘溫安中氣。且以助其散邪清熱之用。乃肺藏邪氣發喘之的劑也。又曰。大青龍主散表寒而



兼清裏熱故麻黃多於石膏。此清肺熱而兼散肺邪。故石膏多於麻黃。

白頭翁湯 九九

白頭翁 二兩 秦皮

黃連

黃蘗

各二兩

水七升。煮取二升。去滓。溫服一升。

柯韻伯曰。三陰俱有下利證。自利不渴者屬太陰。是臟有寒也。自利渴者屬少陰。以下焦虛寒。津液不升。故引水自救也。惟厥陰下利屬於熱。以厥陰主肝而司相火。肝旺則氣上撞心。火鬱則熱利下重。溼熱穢氣奔迫廣腸。魄門重滯而難出。

內經云。暴注下迫者是矣。脈沈爲在裏。弦爲肝脈。是木鬱之  
徵也。渴欲飲水。厥陰病則消渴也。白頭翁。臨風偏靜。長於驅  
風。用爲君者。以厥陰風木。風動則木搖。而火旺。欲平走竅之  
火。必甯搖動之風。秦皮木小而高。得清陽上升之象。爲臣。是  
木鬱達之。所以遂其發陳之性也。黃連瀉君火。可除上焦之  
渴。是苦以發之。黃檗瀉相火。可止下焦之利。是苦以堅之也。  
治厥陰熱利有二。初利用此方。以升陽散火。是謂下者舉之。  
寒因熱用法。久利則用烏梅丸之酸。以收火。佐以苦寒。雜以  
溫補。是謂逆之。從之。隨所利而行之。調其氣使之平也。雄按

亦云烏梅丸治  
久痢之聖方也

縮脾飲 一百

縮砂仁 烏梅肉 草果仁煨 甘草炙各四兩 乾葛 白扁豆各二兩

每服四錢水一椀煎八分水澄冷服以解煩或欲溫欲熱任

意服

雄按脾為陰土喜燥而惡溼貪涼飲冷則脾陽為溼所滯而  
緩縱解伏不能宣運如常矣故以砂仁草果快脾而去其所  
惡之溼臣以甘草扁豆甘淡以培其正氣即佐葛根烏梅一  
以振其敷布之權一以縮其緩縱之勢况梅能生液溼去津

生最爲可法

三甲散 百一

髓甲

龜甲

並用酥炙黃爲末各一錢如無酥各以醋炙代之

穿山甲

土炒黃爲末

蟬蛻

洗淨

炙乾者

白殭

蠶

切生用

牡蠣

煨爲末

當歸

各五分

白芍

酒炒七分

甘草

三分

乾者劈碎無者梓爛和酒少許取汁入湯藥同服其滓入諸藥同煎

水二鍾煎八分濾去滓溫服

雄按此方從金匱髓甲煎丸脫胎

白虎加蒼朮湯 百二

卽白虎湯去麥冬加蒼朮一味

葉香嚴曰知母氣味性寒入足陽明。其氣味性寒入足  
 陰。石膏氣味辛寒入于少陰足陽明。其氣味性寒入足  
 太陰。梗米氣味甘平入手足太陰。此治暑濕。病者以苦寒辛寒之藥清其暑。以辛溫雄烈之藥散其濕。四  
 以甘平之藥緩其中。則賊邪止。邪皆卻。病自安矣。

清暑益氣湯 百三

人參 黃耆 白朮 麩皮 神麴 澤瀉 葛根 升麻

各一錢 麥冬 炙草 葛根 當歸 黃檗 青皮 五味

子九粒



水二錢煎一錢去滓溫服

雄按治法彙止用參者本草歸身橘皮五味麥冬黃檗九味加薑棗

王晉三曰此治膏粱之體因避暑而襲涼飲冷內傷脾胃抑遏真陽之劑故方中以清解與補益兼施

尤拙吾曰元氣本虛而又傷於暑溼以致四肢倦怠精神短

少懶於動作胃氣短促不思飲食脈浮緩而遲者

雄按其脈如是乃氣

虛溼盛兼吸微暑也

可用此方若體實脈盛或雖虛而不甚及津涸煩

渴多火者則不可混投也

雄按溼熱病篇三十八條後余有清暑益氣法可用也

雄按東垣專事升陽徐洄溪章杏雲皆深非之此方亦從補

中益氣加味魏柳洲云補中益氣湯爲東垣治內傷外感第

一方後人讀其書者鮮不奉爲金科玉律然不知近代病人

類多真陰不足上盛下虛者十居八九卽遇內傷外感之證

投之輒增劇非此方之謬要知時代稟賦各殊耳陸麗京嘗

言陰虛人誤服補中益氣往往暴脫司命者審議今人吸煙者多陰液

既已耗傷痰氣極易升逆按丹溪云素無痰者服升柴不致

滿悶孫文垣云經謂升降浮沈必順之又曰天時不可伐雖

宜升提之病而冬之閉藏實爲春令發生之本天人一理若

不顧天時而強用升提之法是伐天和而世元氣根本既虧

來春何以發生此等

至理皆不可不知也余謂東垣立方命名本錯設當時立此

培中舉陷之法名曰補中升氣湯則後人顧名思義庶知其

爲升劑矣原以升藥舉陷乃旣曰補中復云益氣後人遂以

爲參朮得升柴。如黃耆得防風而功愈大。既能補脾胃之不足。又可益元氣之健行。凡屬虛人皆堪服餌。而忘其爲治中虛兼外感之方。再經立齋之表章。每與腎氣丸相輔而行。幸張會卿一靈未泯。雖好濫補。獨謂此方未可浪用。奈何以虛不遠之賢。亦祖新甫。甚矣積重之難反也。惟葉天士謂立齋用藥。每執死法。未免有不中肯綮者。

生脈散

百四

方見淨熱病篇三十九條

香薷散

百五

四味香薷飲

黃連香薷飲

五物香薷飲

十味香薷飲

並見溼熱病篇第四十條

真人養臟湯

百六

人參

白朮

炒焦各錢半

肉桂

訶子肉

木香

肉豆蔻

罌粟

各五分

水煎溫服一方有白芍甘草甚者加附子五分

雄按此治久瀉而脾腎虛寒臟氣不攝之方也

冷香飲子 百七

附子 炮 陳皮 草果 各一錢 炙甘草 一錢 生薑 五分

水一鍾煎滾卽瀘井水頓冷服

雄按此方與大順散皆治陰寒冷溼之氣客於太少二陰而爲霍亂吐下之方也多由畏熱而浴冷臥風過啖冰瓜所致乃暑月之中寒證非病暑也若痢疾門中可用此方之證甚屬罕見苟諦審未確切須慎之萬一誤投噬臍奚及洄溪云如有暑邪者薑斷不可用雖佐芩連不可救也況薑附同用



而無監制之品者乎。俞東扶云：昔羅謙甫治商參政與完顏小將軍二案，俱用熱藥，俱不名曰暑病。又吳球治遠行人一案，雖在暑月，直曰中寒，蓋恐後世誤以熱藥治暑，特舉病因以稱之，可謂名正言順矣。蓋寒暑者，天地一定之陰陽，不容混淆。隆冬既有熱病，盛夏豈無寒病？故辨證爲醫家第一要務，辨證既明，自然不惑於悠悠之謬論，而無倒行逆施遺天殃之慮矣。

敗毒散 百八

羌活 獨活 柴胡 前胡 川芎 枳殼 桔梗 茯苓

甘草 薄荷

爲細末每服二錢水一錢煎七分溫服或沸湯點服亦得按雄

此卽活人本方去人參薑加薄荷

余師愚曰此是三陽藥也羌活入太陽而理遊風獨活入太陰而理伏邪兼能除痛柴胡散熱升清協川芎和血平肝以治頭痛目昏前胡枳殼降氣行痰協桔梗茯苓以泄肺熱而除溼消腫甘草和裏更以薄荷爲君取其清涼氣味皆薄疏導經絡表散能除高巔邪熱方名敗毒良有以也疫證初起服此先去其爪牙維按爪牙者表邪之謂也無表邪者不可用也使邪不盤踞經絡

有斑即透較升葛荆防發表多多矣如口乾舌燥加黃芩

痛加山豆根倍甘桔

雄按雖加苦寒之品終嫌升散必惡寒無汗者始可用也

古方引用

生薑生薑性太熱與疫證不宜以葱白易之可也

雄按喻氏論疫推服此方爲第一極言其功效之神後人從而和之然羌獨柴芎類屬溫升考活人書治傷寒瘟疫風溼風眩拘蹇風痰頭痛目眩四肢痛憎寒壯熱項強睛疼則所治者原是風寒溼障雜感之傷寒瘟疫並非兼治暑燥之病者余氏因熊氏先翦爪牙之說遂謂溼熱之疫初起亦當先服此方雖每服二錢尙是小劑但必外挾風寒溼之表邪者

始為合拍。否則熱得風而愈熾。能無亢逆之憂乎。惟桔梗湯  
最為中窾。用者審之。

清瘟敗毒飲 百九

生石膏 大劑六兩至八兩 中劑二兩至  
四兩 小劑八錢至一兩二錢 小生地 大劑六錢至一  
兩 中劑三錢至

五錢 小劑二錢 烏犀角 大劑六錢至八錢 中劑三錢  
錢至四錢 至四錢 小劑二錢至四錢 真川連 大劑  
至六錢 中劑二錢至四錢 梔子 桔梗 黃芩 知母 赤芍

元參 連翹 甘草 丹皮 鮮竹葉

先煮石膏數十沸後下諸藥犀角磨汁和服

此十二經泄火之藥也。凡一切火熱表裏俱感狂躁煩心口

乾咽痛大熱乾嘔錯語不眠吐血衄血熱甚發斑不論始終  
以此爲主方蓋斑疹雖出於胃亦諸經之火有以助之重用  
石膏直入胃經使其敷布於十二經退其淫熱佐以黃連犀  
角黃芩泄心肺火於上桑寄生梔子赤芍泄肝經之火連  
翹元參解散浮遊之火三拗湯扶陰泄其亢甚之火  
而救欲絕之水枯更宜以白朮和胃此大寒  
解毒之劑重用石膏以泄心胃之火自無不安矣  
若疫證初起惡寒發熱頭痛如劈煩躁譫妄身熱肢冷舌刺  
脣焦上嘔下泄六脈沈細而數卽用大劑沈而數者卽用中



劑浮大而數者用小劑如斑一出即加大青葉併少佐升麻

四五分引毒外透此內化外解濁降清升之法治一得一治

十得十以視升提發表而加劇者何不俯取芻蕘之一得乎

雄按觀此說則初起不必用翦爪牙之法也又秦皇士治斑用升麻黃連生地丹皮甘草木通名升麻清胃湯輕清涼血

亦是透化斑疹之妙法誤食葷腥者加山查砂仁乾隆甲申余客中川先君偶染時

疫爲羣醫所誤抱恨終天曷其有極思於此證必有以活人

者公之於世亦以稍釋余懷因讀本草言石膏性寒大清胃

熱味淡氣薄能解肌熱體沈性降能泄實熱恍然大悟非石

膏不足以治熱疫遇有其證輒投之無不得心應手三十年

來頗堪自信。活人所不治者。筆難罄述。然一人之治人有限。因人以及人。無窮。因著爲疫疹一得。公之於世。使天下有病斯疫者。起死回生。咸登壽域。予心亦稍安焉。桐城余霖漫識。

吳種芝曰。甲寅夏久無雨。暑氣盛行。人多疾病。病則必死。醫家齊束手不治。師愚輒予以石膏黃連等劑。無不立效。其得之則生。不得則死者。不可更僕數。而余門下奎氏兄弟一存一天。尤屬明徵。然存活日多。而謗者日益眾。謂師愚非石膏不立劑。是誣人。甚至以謗師愚之故。併謂石膏爲斷不可用。豈不更誣藥哉。誣人旣已不可。誣藥而愚者信焉。妄者傳焉。

雖遇熱證凶危仍以柴葛當之不效則投以丹芩又不效則

投以人參桂附雄按粗工伎倆大率如此至於一誤再誤死而後已醫者

猶詡詡得意曰非我也命也是以謗師愚之故而累及無辜

置人之生死於弗顧也豈不大可歎哉

莊製亭曰此方分兩太重臨證時不妨量裁一二味或減輕

分兩如石膏由三五錢以至二三兩皆可取效

雄按余君治邢某案後云此方醫家不敢用病家不敢服甚

至藥肆不敢賣有此二不敢疫證之死於誤者不知凡幾紀

文達公於癸丑年曾目擊師愚之法活人無算而謂其石膏

有一劑用至八兩一人服至四斤因而疑爲司氣所值未可  
執爲通例。余氏書中亦羅列運氣之說。然則甲子甲申戊子  
丙午癸丑甲寅等年歲運並不同。何以案中治法皆同乎。此  
司天在泉之不可泥。但察其時之旱潦見證之宜否爲憑也。  
道光閒歸安江筆花論一時疫癘斑用石膏至十四斤而斑  
始透。蓋深得師愚之法。而三言曰太史白田集有石膏辨  
云。目擊受石膏之害者甚多。深以繆仲淳袁體庵爲不可法。  
賢者尙爾。無怪乎庸耳。俗目之謗師愚也。夫停食不消因而  
致死者多矣。豈可歸罪於五穀以爲神農后稷作備。而令天

下人辟穀耶。况物性之中。和莫如穀矣。而霍亂痧脹。一口米  
湯下咽。卽難救治。蓋一病有一病之宜忌。用得其宜。硝黃可  
稱補劑。苟犯其忌。參朮不異砒礪。故不可舍病之虛實寒熱  
而不論。徒執藥性之純駁。以分良毒也。補偏救弊。隨時而中  
貴於醫者之識病耳。先議病。後議藥。中病卽是良藥。然讀書  
以明理。明理以致用。苟食而不化。則粗庸偏謬。貽害無窮。非  
獨石膏爲然矣。搢紳先生博覽之餘。往往涉獵岐黃家言。或  
筆之於書。或參贊親友之病。世人因信其知儒。遂併信其知  
醫。孰知紙上談兵。誤人不淺。呂晚村是其尤者也。安得如徐



洄溪者一一而砭之哉

類散百十

象牙屑

焙

珍珠

各三分

飛青黛

六分

梅花冰片

三釐

壁錢

俗名喜兒

二十個用泥

上者木板

西牛黃

人指甲

男病用女

女病用男

須分別合配各五釐

各五釐

各五釐

各五釐

各五釐

研極細粉密裝瓷餅內勿使泄氣專治爛喉時證及乳蛾牙疳口舌腐爛凡屬外淫為患諸藥不效者吹入患處瀕死可

活

雄抄此方尤鶴年附載於金匱翼云張瑞符傳此救人而得

子故予名曰錫類散功效甚著不能殫述

硃砂安神丸百十一

透明硃

各五錢

連

各五錢

甘草

各二錢

為細末酒泡蒸餅丸如麻子大每服三十九

臥時津液嚥下

葉仲堅曰經云神氣舍於心神與心又云心者生之本神之

舍也且心為君主之官不明則精氣亂神太勞則魂魄散

所以寤寐不安淫邪發夢輕則驚悸怔忡重則癡妄顛狂硃

砂具光明之體赤色通心能鎮怯寒能勝熱甘以生津撓

陰火之浮游以養上焦之元氣為安神之第一品心苦熱配

黃連之苦寒瀉心熱也。更佐以甘草之甘以瀉之心主血。用當歸之甘溫歸心血也。更佐地黃之寒以補之心血足則肝得所藏而魂自安。心熱解則肺得其職而形自正也。

靈膏百十二

人參

枸杞子

各一斤

天冬

麥冬

生地

熟地

各二十兩

懷牛

膝

酒蒸四兩

甜水砂鍋熬膏將成加煉白蜜六兩滾數沸收之白湯或酒

調服

雄按先大父云此方始見於虞筆記云出內府又載於治法

無牛膝。方後注血虛加當歸四兩。脾弱加白朮四兩。或  
干。且云治一切氣血兩虛。身弱咳嗽者。罔不獲效。凡少年  
氣弱倦怠。津液少。虛火上炎。急宜服之。後惟魏玉橫善  
此方。續名醫類案內極著其功效。實卽人參固本加味也。  
又加仙靈脾。余謂峻滋肝腎之陰。無出此方之右者。若兼  
下遺精者。宜去牛膝。加黃檗。大便易滑者。亦去牛膝。重加  
薏仁。理虛元鑑治勞嗽。用本方。去人參牛膝。加元參甘桔。

百十三

一兩

炙甘草

二兩

鮮竹葉

十五

北棗肉

兩

枚

爲細末每服五錢。菰米湯。瓊半煎至一瓊。溫服。不能服者。懸  
漬。點口中。如加人參。更妙。

雄按此海藏方也。卽金匱麥門冬湯。去半夏加竹葉。治房勞  
復之氣。欲絕者。服之大效。然外臺於此證。主一味竹皮湯。以  
竹皮堅韌。能能之。脫而清虛。火中似不可缺。又枸杞

子。純甘多液。能能血之耗。復凡氣喘吸促。根帶欲滴。

者可加入兩許。殊勝。之熱地也。卽不因房勞而氣液則

不能受重劑。峻補者。亦用此法。接續其一綫之生機。每多

獲效。推而廣之。可以養心。管可以潤肺。燥可以緩肝。急可以



良才味終畢博文容新姐

其欲感自地何常許豈謂感不道一劫之劫幸出同前一手其  
際亦宜輔十繪半來國鼎之妙然以酥想且味去主亦以理  
其案取許去主大薄風標蘇蘇氣韻未竟會決去來情茲遂  
員未京奇遂為感今中與表水故澤風山共事申以樂博景文  
蘇功妙致材未前感則生人如博山許靈異賦問字益以數則且  
甫得筆唱聞其奇人辨贊賦以重千辨快未短雖歸而表申回  
蘇昌育烈馬下壽曰王表主蘇賦并眼以儒齊世故寓於林起序